

## ПРИЛОЖЕНІЯ.

### II.

#### *Предисловіе,*

*откуда и отъ коего времени начася быти въ нашей Рускѣй землѣ осмогласное пѣніе, и отъ коего времени, и отъ кого пошло на оба лика пѣти въ Церкви.*

Благоволеніемъ Бога Отца Вседержителя, творца всѣмъ видимымъ и невидимымъ, и послѣщеніемъ сопредстольнаго и едиnorodнаго Сына его, Бога и Господа нашего Иисуса Христа, и содѣйствіемъ пресвятаго и животворящаго Духа, того единаго Божества и единаго существа, нераздѣлимыя Троица, по благодати, яко о ней создана быша всяческая, яже на небеси горѣ, и яже на земли низу. Егда убо возсія луча свѣта всемірнаго просвѣщенія въ сердца, иже въ законѣ Божественнѣмъ отъ юности воспитаннымъ спасительнаго корене браздодержателемъ Словенскаго языка славныя великія нашей и пресвѣтлыя Росіи, Государемъ Царемъ и Великимъ Княземъ, и о семъ убо въ Троицы славимаго Бога прославимъ, яко сугубо и тресугубо паче протчихъ окрестныхъ правовѣрныхъ странъ, за благочестивую и непорочную истинную Хрiстіанскую вѣру Російскихъ Самодержецъ, благочестивыхъ Государей, Царей и Великихъ Князей, изліяся благодать пресвятаго Духа на Російское Великое Государство, еже книжное исправленіе яснѣйши паче протчихъ, и еже сими Божественными догматы осмогласнымъ его пѣніемъ его велелѣпному, въ Троицы поклоняемому имени, и пречистѣй его Богоматери, и всѣмъ святымъ, иже отъ вѣка благоугодившимъ, ему славитсяя.

Аще убо рекуть къ намъ протчіи иноязычницы, отъ протчихъ окрестныхъ правовѣрныхъ странъ: откуда убо вы взясте *осмогласное пѣніе*? Мы же къ нимъ отвѣщаемъ, яко благочестивый и равно-Апостоломъ благовѣрный, Великій Князь Владиміръ, нареченный во святомъ крещеніи Василій, иже святымъ крещеніемъ просвѣти Рускую землю, не благочестивъ ли бѣ и правовѣренъ? По немъ сынъ его, благовѣрный Князь Ярославъ, нареченный во святомъ крещеніи Георгій, иже насѣя землю святыми книгами, — той не благочестивъ же ли бѣ? При немъ же убо, еже написано въ нашей Руской Степенной книгѣ: „Въ лѣто 6559, придоша изъ Грекъ въ Кіевъ, три Пѣвцы искусны велми, *Знаменному* и *Трестрочному*, и прекрасному *Деме-*

ственному пѣнію, и отъ нихъ разсѣяся во всей Руской земли.“ Намъ, же убо мнитсѣя, яко и се не истинно есть, понеже во всѣхъ Греческихъ странахъ и въ Палестинѣ, и во всѣхъ великихъ обителехъ, пѣніе *отлично* отъ нашего пѣнія, подобно *Музыкальному*, еже мы грѣшніи у многихъ Грекъ спрашивали, и слышали какъ они поютъ. И откуда убо симъ триемъ пѣвцемъ взяти сіе *осмогласное* пѣніе *Знаменное*, и *Путь* противъ *Знаменное* изложено, подобно философствій премудрости? Мы же грѣшніи мнимъ, изложено сіе наше *Осмогласное* пѣніе, *Знаменное* и *Трестроичное* пѣніе, нѣкоими премудрыми *Рускими Риторами*, паче же достойтъ речи, вдохновеніемъ Святаго и животворящаго Духа, наставляемымъ на дѣло сіе. Аще бо не внутрь уча Святыи Духъ, всуе языкъ писца трудится; а еже речи отъ сихъ триехъ пѣвцевъ сіе наше *Осмогласное* и *Трестроичное* пѣніе, а въ Кіевѣ убо и до днесъ *Музыкальное*. И что много глаголати? У святаго и равна Апостоломъ великаго Царя Константина, и матери его блаженныя Царицы Елены, и по нихъ у благочестивыхъ Греческихъ Царей и у святѣйшихъ Патріарховъ во всей Греческой странѣ, кое бѣ, не *Музыкальное* ли? Къ симъ же убо, не мы, но самъ блаженный Апостоль Павелъ, да научить ихъ Святымъ Духомъ, сице нѣкако глаголя: яко коемуждо дается явленіе Духа на пользу. Овому Духомъ дается слово премудрости, овому же слово разума, въ томъ же Дусѣ; другому же вѣра, тѣмъ же Духомъ; иному же дарованіе исцѣленіемъ, въ томъ же Дусѣ; другому же дѣйствія Силамъ, иному же пророчество, другому же разсуженіе духовомъ, иному же роди языкомъ. Вся же сія дѣйствуетъ единый, тойжде Духъ, раздѣляя властію комуждо якоже хоцетъ. И отъ сего явленно, яко не всякому вкупѣ духовная дарованія даются. И яко убо той благовѣрный Великій Князь Владиміръ, и сынъ его, благовѣрный Великій Князь Ярославъ, и благовѣрный Царь Константинъ, и мать его, блаженная Царица Елена, и по нихъ протчіи благочестивіи цари Гречестіи, святѣйшіи Патріарси, и преосвященніи Митрополити, Архіепископи, и Епископи, по дарованію, данному имъ свыше, восіяша каждо во своихъ градѣхъ, и богоносніи отцы и быша и суть. И мы исповѣдуемъ и поклоняемъ имъ, аки вѣрнымъ Божиимъ угодникомъ; но ниже ихъ роди языкомъ и сказаніе ихъ пріяша свыше. Сего ради не достойтъ дивитися аще и утаися ихъ, таковыхъ сущихъ, еже въ Велицѣй Россіи *Осмогласнымъ* пѣніемъ славится пречестное и великолѣпное имя, святыя и единосущныя, животворящія, нераздѣлимыя Троица. Отъ сего же убо да посрамятся и въ насъ самѣхъ, раскольниковъ имяную, буйхъ и раздирателей духовному свыше дарованію, глаголющихъ, яко изложеніе знамени на прмосѣхъ, и на прочихъ догматѣхъ преподобнаго отца нашего Ивана Дамаскина, овѣи же такожде не вѣдуще глаголють, яко преподобнаго Романа пѣвца ондакареви, инии же такожде глаголють, яко преподобнаго Ефрема Сирина. И о семъ убо они невѣдуще лгутъ на толикія святыя и великія преподобныя мужи. Великихъ убо свѣтильниковъ Ивана Дамаскина, и Козмы и Иосифа и Андрея, и протчихъ преподобныхъ отецъ рѣчемъ слогательство, а не знамени изложеніе. А только будетъ они

и пѣли, и коегождо въ которомъ градѣ или странѣ Богъ прославиль, такъ они и пѣли. А наша Великая Росія, Словенскій языкъ, не въ давнихъ лѣтахъ, въ седмой тысящи, якоже выше речеса, при Великомъ Князѣ Владимірѣ и сынѣ его Ярославѣ. А въ Грекахъ, и во всѣхъ правовѣрныхъ странахъ, въ которыхъ они великія отцы просіяли, и ихъ пѣніе отъ нашего отлично, якоже и выше рѣхомъ. Здѣ же убо въ царствующемъ градѣ *Москвѣ* прежнихъ мастеровъ распѣвы, иже всѣмъ намъ видимы, есть стихи многія болшаго знамени: *Благовѣстити Гавріилъ..*, и иніи протчіи, одніи рѣчи. распѣвы же розны. И намъ грѣшнымъ мнится знамя убо мнози по премногу удоволившейся излагають, какъ его Параклитъ пресвятый наставитъ, и о семъ имъ никтоже прерѣкуеть, яко нѣсть ереси сліянія и раздѣленія ни единого. Въ Догматѣхъ же, и прочихъ Стихѣрахъ и Канонѣхъ, аще кто не по существу сотворитъ, или въ рѣчехъ въ чемъ единѣмъ словомъ разсѣчетъ, аще не за невѣданіе, или каково что безъ свѣдѣтельства изложить, того святая, Соборная и Апостольская, Кафолическая церкви анаематисають, и гееннѣ предають, творящихъ расколы въ слоги-няхъ. Преподобный же Романъ не пѣвецъ бѣ, но кликатель Кондакомъ, якоже нынѣ соборная Церкви и прочая обычай имѣють, въ навечеріи Христова Рождества и святыхъ Богоявленій, Архидіаконъ, или Протодіаконъ, или Діаконъ, кличють на амбонѣ стихѣру. И есть убо тако писано, что Романъ пѣвецъ кондакареви, истинна суть тако писано, яко всякая рѣчь божественная пѣніе глаголется, яко же и ~~Иса~~ломникъ вопіеть: *Пойте Богу нашему пойте, яко Царь всей земли Богъ Пойте разумно*, сирѣчь со вниманіемъ и съ разсужденіемъ рѣчи Божественныя глаголите. И паки: *Пою Богу моему дондеже есмь*. И пророкъ глаголетъ: пою тя слухомъ Господи услышахъ и убояхся, и индѣ: поють тя вои ангельстїи, родъ же человѣческій славить тя. А преподобнаго Ефрема Сирина бысть и есть въ Сиріехъ и доднесь пѣніе, но не подобно же нашему пѣнію, зане красно велми, яко слыша є человѣкъ восплѣняется умомъ. Бысть бо сїй Ефремъ, рекомый Сиринъ, при Константинѣ цари Брадатомъ и Уліянѣ законопреступницѣ зѣло славенъ. Сей многа пѣнія оставль, въ нихъ же аще тако глаголють, яко три тѣмы стиховъ, ихъ же поють Сиріяне, и сладкаго ради пѣнія, глаголемыя Вардисіяны, отъ прелести исторгну. При томъ же цари Олавіянъ Антиохійскій патріархъ, по явленію Ангелову во церкви на два лика пѣніе пѣти повелѣ. Тѣмже протчєе да престануть сихъ глаголаній, лжуще на великихъ святыхъ, на Ивана Дамаскина, и на Романа и на протчихъ; но велію молбу и благодареніе возсылайте и честь воздавайте, великому дародателю, Богу и Господу нашему Іисусу Христу.

А еже рещи откуда и отъ кого поиде сія наша Руская погласица, и кто ея изъ Греческія погласицы на сію нашу Рускую привелъ. Въ Грекахъ убо и въ протчихъ правовѣрныхъ государствахъ своя погласица, и рѣчи своя и глаголы, и сего убо отнюдъ не объявлено и не написано нигдѣ ни въ старыхъ исторіяхъ, токмо писаніе обдержитъ, что изъ Кіева приде все благочестіе и вѣра православная въ Великій Новъ-градъ, и потомъ отъ Великаго Нова-града, при-

иде сѣмо въ царствующій градъ Москву благочестіе и во всю Рускую землю, и потомъ начать распространятися благочестивая вѣра церквами Божиими, и святыми книгами, и божественнымъ пѣніемъ. Но едва начаша другъ отъ друга учитися, тогда начать и пѣніе множитися. И не единому человѣку дароваль Богъ разумъ и смыслъ, но и всякому человѣку естеству, по своей благодати, якоже прежде речено. Глаголетъ бо божественный Апостоль, комуждо дается явленіе Духа на пользу, и прочая. И овъ убо то роспѣль, инъ же ино. И мы грѣшніи вы нынѣшнихъ лѣтахъ осмыя тысящи родихомся и воспитахомся, и въ возрастъ начахомъ приходити, и сами учитися, и слухи своими отъ нѣкоихъ слышахомъ про старыхъ мастеровъ, глаголю же про *Федора* попа, прозвище *Христіанинъ*, что былъ здѣ въ царствующемъ градѣ Москвѣ славенъ и пѣти гораздъ *Знаменному* пѣнію, и мнози отъ него научишася и знамя его и доднесъ славно. И отъ его ученикъ слышали которіи съ нами знахуся, что-де онъ *Христіанинъ* сказываль своимъ ученикомъ, что въ Велицѣмъ Новѣ-градѣ были старые мастера: *Сава Роговъ*, да братъ ево *Василей*, во иноцѣхъ *Варлаамъ*, родомъ Корѣяне, — и послѣ-де тово тотъ *Варлаамъ*, Митрополитомъ во градѣ Ростовѣ былъ, мужъ благоговѣинъ и мудръ, зѣло пѣти былъ гораздъ *Знаменному* и *Трестроичному* и *Демественному* пѣнію былъ роспѣвщикъ и творецъ. И у того брата его у *Савы* были ученики, вышереченный попъ *Христіанинъ*, да *Иванъ Носъ*, да *Стефанъ*—слыль *Гольшицъ*. И тотъ *Иванъ Носъ*, да *Христіанинъ* были во царство благочестиваго Царя и Великаго Князя *Иванна Васильевича* всеа Русіи. И были у него съ нимъ въ любимомъ его селѣ, въ слободѣ *Александровъ*; а *Стефанъ Гольшицъ* тутъ не былъ, ходилъ по градомъ и училъ *Усольскую* страну и у *Строгановыхъ* училъ *Иванна* по прозвищу *Лукошка*, а во иноцѣхъ былъ *Исаія*, и мастеръ его *Стефанъ Гольшицъ* много знаменнаго пѣнія роспѣль. А послѣ его ученикъ его *Исаія*, тотъ вельми знаменнаго пѣнія распространилъ и наполнилъ. И отъ тѣхъ же Христіаниновыхъ учениковъ слышахомъ, что-де онъ имъ сказываль про стихѣры Евангельскія, нѣкто-де во *Твери діаконъ* зѣло былъ мудръ и благоговѣинъ, тотъ-де роспѣль *стихѣры Евангельскія*, а *Псалтырь* роспѣта въ *Великомъ Новѣградѣ*, нѣкто былъ инокъ именить *Маркелъ*, слыль *Безбородой*, онъ-де ея роспѣль. Да онъ же сложилъ канонъ *Никитъ* архіепископу *Новгородскому*, вельми изящень. А *Триоди* роспѣль и изъяснилъ *Иванъ Носъ*, будучи въ слободѣ у Царя *Иванна Васильевича*, и святымъ многимъ стихѣры и славники роспѣль онъ же. Да тотъ же *Иванъ* роспѣль *Кресто-Богородичны* и *Богородичны* минейныя. Такоже и о сей казикѣ не бездѣльна, ниже безъ ума замышлена подобно и сіе философствѣй премудрости изложена премудрыми мужми, паче же достоить рещи вдохновеніемъ Святаго Духа наставляемыхъ на сіе благое дѣло, аще бо не врутъ уча Святой Духъ, всуе языкъ трудится.

Тѣмже убо вси елико васъ свѣта чада, и сынове Евангелія, и святыя церкви Бого-собранныя чета, господіе наши и о Христѣ духовніи отцы и братія, да не дерзнете сея вещи злословіемъ понести, или въ презрѣніе положить, не бездѣлна бо есть, но воистинну яко-

же гобзующаяся нива, насѣяна пшеничныхъ класъ, да всякъ аще со алчбою истерзая не можетъ сладости ихъ насладитися. И о семъ прилѣжно молимъ ваше челоуѣколюбіе, дабы сія вещь у всѣхъ снискающихъ была, токмо бы въ буихъ и невѣдущихъ мужей руцѣ не вошла. Понеже бо она мудрѣйшимъ медоточна, буимъ же яко пелынь вмѣняема же и посмѣваема. Вы же аще восхощете ю преписовати, любезно молимъ васъ, милостиви намъ будите и неззориви ума нашего грубости и неразумію, аще за немощь прегрѣшеній нашихъ и недомѣннй, что укратися или преложися или отмѣнися, Бога ради собою исправляйте, благоволеніемъ и дѣйствомъ пресвятаго Духа. Понеже и вы требуете милости отъ челоуѣкъ, такожде прощенію и насъ сподобляйте, да вси вкупѣ получимъ щадимыхъ благъ, благодатію и челоуѣколюбіемъ Господа нашего Іисуса Хріста, ему же слава и держава, честь и поклонаніе, со Отцемъ и со Святымъ Духомъ, нынѣ и присно, и во вѣки вѣкомъ, аминь.

### III.

**1. 1652.** Февраля 9. Отписная грамота Путивльскаго Боярина и Воеводы Ѳедора Хилкова Царю Алексѣю Михайловичу о выдачѣ подводъ и кормовыхъ денегъ до Москвы соборному священнику Ивану и Кіевскимъ пѣвчимъ.

Государю Царю и Великому Князю Алексѣю Михайловичу всеа Русіи, холопъ твой Ѳедка Хилковъ, челомъ бьетъ.

Нынѣшняго Государь 160 году, Генваря въ 21 день подалъ мнѣ холопу твоему у Съезжей избѣ твою Государеву грамоту соборные церкви попь Иванъ, а писана твоя Государева грамота къ Боярину и Воеводѣ Князю Семену Васильевичу Прозоровскому съ товарищи, а по твоей Государевѣ грамотѣ велѣно ево Попа Ивана отпустить ись Путивля въ Кіевъ для книжные покупки на подводахъ и съ провожатымъ, съ нимъ послати тотчасъ. А какъ онъ Попъ ись Кіева въ Путивль пріѣдетъ, или ково напередъ себя ись Кіева съ книгами вышлетъ, и тѣхъ людей велѣно отпустить ись Путивля къ тебѣ Государю къ Москвѣ тотчасъ наскоро. А подводы подъ него Попа Ивана и подъ книги и подъ тѣхъ кто съ нимъ будетъ, или напередъ себя вышлетъ, велѣти давати сколько имъ надобно. И по твоему Государеву Цареву и Великого Князя Алексѣя Михайловича всеа Русіи указу, я холопъ твой Соборные Церкви попа Ивана отпустилъ ись Путивля въ Кіевъ для книжные покупки на подводахъ тотчасъ, и провожатыхъ съ нимъ послалъ. И февраля Государь въ 9-е Соборные церкви попь Иванъ изъ-за рубежи въ Путивль пріѣхалъ, а съ нимъ пріѣхали Кіевскаго Братцкаго монастыря Архидьяконъ Михайло, да съ нимъ вспѣваки: Ѳедоръ Тернопольской съ товарищи одиннадцатъ челоуѣкъ. И я холопъ твой по твоему Государеву указу давъ Архидьякону и вспѣвакомъ подводы и въ дорогу